

七十一章

得了還同未得時於中元不涉毫釐脫身未
到膏肓外萬孔千瘡作麼醫

七十二章

生來膽大又心麤豁達精神自有餘收拾得
來誰得似珊瑚枝上舞金烏

七十三章

當機殺活甚玄微輕重還他作者知子細為
君重說破夜寒毛骨冷淒淒

七十四章

○ 惟法須還識法人從來王法等无親欲知王
法无親處月影穿潭不見痕

七十五章

清平世界沒有說只為家翁不奈何臨事始
知无事好雙垂赤脚笑呵呵

七十六章

這箇由來本不殊誰將強弱巧分跡直下既
分生死路无星秤子較輜銖

七十七章

天人元不隔毫釐纔涉毫釐轉背馳為怕夜

行侵早起誰知獨惹露露衣

七十八章

親面相達語不欺奈何獨自少人知當場薦
得深深意日出扶桑却在西

七十九章

分明識破不為究竟識先須達本源識得本
源真要的了知天道沒頗偏

八十章

隨家豐儉乃安然萬法之中盡省緣喫餅着
衣无一事大家風月本同天

八十一章

○ 擇法須還眼目親至真用處出根塵到頭一
轉无私句不離當場這主人

道德真經頌

第五

七

明真破妄章頌

虛靖 張真君 著

道生天地

混沌未分先有道德道无形色亦无情自然化
育生天地天道輕清地道寧

天地生人

道生天地始无名分判陰陽立五行人位其
中靈萬物人從天地道生成

人稟陰陽

○ 三才天地人同炁人稟先天一炁靈一炁具
身名曰道感通天地及神明

一炁生三

一真真外更无真祖炁道靈具此身道一生
三生妙用元精元氣與元神

人身三寶

元精元氣與元神三者无形亦有形運用得
傳真可見光明无極是分明

一炁相關

雷乃先天炁化成諸天仙聖總同真我身一
炁相關名同祖同宗貼骨親

11/11 A V 20

以心合神

真心動處是雷機神合神字妙更奇只此更無差別處如磁吸鐵不相違

法即是心

此心心外元无法咒訣符圖少合真心真將何為妙用靈光一點運元神

神可通天

元神直捧一封書一道寒光射太虛徑達玉京金闕去玄思星火下天衢

呼天叱咤

叱咤望空將令打不識元神召使者天高星遠豈能聞從便之乎并也者

金光召雷

金光灼灼照雷城百萬雷兵稟令行不用符圖并咒訣旱天能雨兩能晴

妄想行持

不悟陰陽闔闔機想存作用總成癡雷符燒盡千千道雨澤何曾一點施

真念降魔

降魔何處是工夫中有元神靜定居慧劍揮

時神鬼伏便教禍害自然除

心妄鬼欺

妄念紛紛且失真符圖咒訣費精神鬼神一見嘻嘻笑打石拋磚更害人

祖炁陽晶

先天祖炁至陽晶鍊盡陰魂一性靈九轉玄功成頃刻陰陽交姤結胎嬰

辨真陰陽

真陰真陽既不識水可浴兮火可炙靈光一點不分明受度亡魂有何益

南昌非心

玄關一竅有陰陽心腎元非水火鄉寄語鍊師高着眼莫將心府作南昌

普度有法

普度工夫又不同金光灼灼照羅鄴黍珠一顆空懸處太極還歸元柱中

取炁不同

昧却自家元氣主妄想天罡對空取恰似騎牛去覓牛比等之人何足語

不識元神

召將先毒令一聲令聲驚起我元神緣何不見元神面只為時人昧本真

印須心印

心印相傳付有緣今人印木不知玄祖師心印相同處顯顯光明徹九天

靈光一點

書符道妙起工夫委聚毫端篆作符着相想存行咒訣將來只是墨和朱

先天字號

號頭用處須天篆元是真人按筆書蒼頡後天塵世字用之總是惑迷愚

妄想陰陽

陰陽吞啖運符中心腎盈虧黑與紅一箇乾坤如許大這些伎倆豈能通

腎中一點

兩腎中間一點明癡人守此欲通靈誰知此處皆陰氣若比陽晶隔萬程

心下元神

人言心下一包空精氣元神聚此中何似癡人容易惑蓋緣不識主人翁

膽非雷府

妄將藏腑作雷霆怒氣膨膨起震驚擊破琉璃瓶子後何曾聞得有雷聲

誤指雷霆

一陽生處地雷復外腎應非雷所居穢濁聖賢難懺悔將來必定被雷誅

不辨真陽

心肝脾肺腎膽府噓呵四嘻吁吹取父母后天陰陽氣如何可以祈晴雨

七事純陰

涕唾津精氣血液七件皆陰總無益身中只有一陰陽江湖多少无人識

穢氣觸真

有言臍下寸三分作用金光此處存豈識比中陰濁氣運成穢濁不堪聞

似是而非

妄言一竅在眉心直入三分可許深誤殺世人真可笑如將瑜石作黃金

錯認後天

臍輪後與腎相連兩處空空總後天若問先

天玄妙處除非得遇主人傳

雷動無時

動雷有用雷霆然又算停星日月時如此天機容易測雨暘何用法來祈

邪能惑正

幾多道眼不曾明役將祛神輒現形只為身中无主宰魂魄假托姓名靈

當明真要

一員神將數家法多是宗師撰造成更道幾年多是假行符呪水豈能靈

作用兩全

道法難忘呪與符必須道妙兩相扶先天玄妙工夫到呪訣符圖可有無

道本法體

法行大道合先天呪訣符圖總是玄至道香然无所得符圖呪訣也徒然

萬法歸一

道生于一復何疑可以无為可有為萬法本來歸一處何分正一與清微

造化在我

本質雖殊杰不殊當於親處下工夫人身大抵同天地造化陰陽總屬吾

兀坐頑空

无心兀兀坐多年將謂神仙已有緣不解龍吟并虎嘯但知空坐也徒然

陰陽互根

頑石中空藏白玉縱鏡見得光生目太陰元受太陽精初八上弦圓十六

因法生謗

本為同門共指迷上根一覽悟玄微若將此向愚癡說生謗生嗔總是非

明真破妄章頌